

# ଚେନ୍ନୌ ଭାଷା ଅଧିକାର ଘୋଷଣା

## ଭାଷା ଅଧିକାର ସମ୍ମିଳନୀ

୧୯-୨୦ ସେପ୍ଟେମ୍ବର ୨୦୧୫ ଚେନ୍ନୌ

ସଂସ୍ଥା ଆର ବ୍ୟକ୍ତି, ଇହାଦେ ର ଚେନ୍ନୌ ଭାଷା ଅଧିକାର ଘୋଷଣା କି ଚେନ୍ନୌ ଘୋଷଣା ର ଦସ୍ତକତକାରି, ଚେନ୍ନୌ ନ ୨୦ ସେପ୍ଟେମ୍ବର ୨୦୧୫ କେ ଠୋଲ ହେଲ,

ବିଷ୍ଣୁ ଭାଷା ଅଧିକାର ଘୋଷଣା କେ ସମ୍ମାନ ଜନେଲ, ୯ ଜୁନ ୧୯୯୬ ରେ ବାର୍ଷେଲୋନା, ସ୍ପେନ ନ ପ୍ରକାସିତ, ଜେନଟା କି ଭିନେ ଭିନେ ଆନ୍ତର୍ଜାତିକ ଆର ଆଂଚଳିକ ଘୋଷଣା, ଆଇନ, ସହମତି, ସମ୍ମିଳନୀ ମାନକର ପରିଣତି ଏ । ବିଷ୍ଣୁ ମାନବ ଅଧିକାର ଘୋଷଣା ୧୯୪୮, ଆନ୍ତର୍ଜାତିକ ନାଗରିକ, ରାଜନୈତିକ ସମ୍ମିଳନୀ ୧୯୬୬, ସଂଜୁକ୍ତ ରାଷ୍ଟ୍ର ସଂଗଠନ ସାଧାରଣ ଅଧିବେସନ ୧୯୯୨ ସଂକଳ୍ପ ୪୭/୧୩୫, ଆନ୍ତର୍ଜାତିକ ସ୍ତମ୍ଭିକ ସଂଗଠନ ସମ୍ମିଳନୀ ୧୯୮୯ ଆର ଉଝା,

ବିଚାର କେ ନେଲେ, ଭାରତ ର ଭିନେ ଭିନେ ଭାଷା ସମୁଦାୟ ର ଭିନେ ଭିନେ ସଂକଳ୍ପ, ଦାବି କେ ମାଧ୍ୟମ ଦେଲ, କେନସି ବିସେସ ଭାଷା କେ କେନସି ଭାଷା ଉପରେ ଲଦବାର, ବାଧାଦେବାର, କି ବାଛିକରି ପ୍ରଚାର କରବାର,

ବିଚାର କେ ନେଲେ, ଇହାଦେ ର ଭାରତ ସରକାରଂକର ଭାଷା ନିତି ଭାରତ ର ଭିନେ ଭିନେ ଭାଷା ସମୁଦାୟ ବେଭାର କରୁଥିବା ଭାଷା ମାନକର ଅସ୍ତିତ୍ୱ ଆର ବିକାସ କେ ହାନି କରୁଛେ,

ବିଚାର କେ ନେଲେ, ଇହାଦେର ଭାରତୀୟ ଭାଷା ମାନକର ଭାରତୀୟ ସମ୍ବିଧାନର ଭାଷା ସମ୍ପର୍କି ପ୍ରାବଧାନ ର ସବୁ ନିଅମ, ଧାରା, ଆର ଦିସାନିର୍ଦ୍ଦେସ କେ ନା ଭାଷା ସମାନତା ଆର ଅଧିକାର ନା ଭିନେ ଭିନେ ଭାଷା ସମୁଦାୟ ର ଦାବି କେ ନେଲକରି ଆଧାରିତ,

ବିଚାର କେ ନେଲେ, ଭାରତ ସରକାରଂକର ହିନ୍ଦି ଭାଷା କେ ଲଦିଦେବାର, ଭିନେ ଭିନେ ଅଖିଲ ଭାରତୀୟ ରାଜନୈତିକ ଦଳ ଆର ସଂଗଠନ ମାନକର ସହଜୋଗ ଆର ପ୍ରଚାର-ପ୍ରସାର ରେ, ଗଣମାଧ୍ୟମ ଆର ରାଜ୍ୟ ସରକାର କେ ମିସେଲ ଖ୍ୟମତା ର କେହୁ ଆର ଭିନେ ଭିନେ ଭାଷା ସମୁଦାୟ କର ଇ ହିନ୍ଦି ଲଦିଦେବାର ବିରୋଧ ରେ ଐତିହାସିକ ମହତ୍ୱପୁର୍ଣ୍ଣ ଆନ୍ଦୋଳନ,

ବିଚାର କେ ନେଲେ, ବିକାସ ର ନାଁ ରେ, ଇଂରାଜି କେ ଅଧିକା ଜୋର ଦେଲ ଆର ଇଂରାଜି ର ବ୍ୟାପକ ବହୁଥିବା ପ୍ରକ୍ରିୟା ଆମର ଜିବନ ର ହରେକ ଫାଲ କେ ପ୍ରଭାବିତ କରି, ଭାରତୀୟ ଭାଷା ମାନକୁ ସାର୍ବଜନିନ ଆର ବ୍ୟକ୍ତିଗତ ଠାନ୍ତୁ ହଟେଇ କରି ଆମର ଭାଷାଗତ, ସାଂସ୍କୃତିକ, ଆର୍ଥିକ ପସନ କେ ସିମିତ କରୁଛେ,

ବିଚାର କେ ନେଲେ, ଭାରତୀୟ ସମ୍ବିଧାନ ର ଅସ୍ତମ ସୁଚି ତାଲିକା ରେ ଥିବା ଭାଷା ମାନକର ପ୍ରତିନିଧି ଦାବି କରୁଛନ ତାକର ଭାଷା ମାନକୁ ଭାରତ ସରକାର ସରକାରି ଭାଷା ବନଉନ, ଆର ଭିନେ ଭିନେ ଭାଷା ମାନକର ପ୍ରତିନିଧି ତାକର ଭାଷା ମାନକୁ ଅସ୍ତମ ସୁଚି ରେ

ସାମିଲ କରବାର କେ, ଆର ସହ ସହ କମ ଜନସଂଖ୍ୟା ର ଭାସା ସମୁଦାୟ ଲତେଇ କରୁଛନ୍ତି ତାକର ଜାତିୟ ଭାସା କେ ସଂରକ୍ଷଣ ଆର ବିକାସ କରବାର କେ,

ବିଚାର କେ ନେଲେ, ଭାରତ ର ଭାସା ମାନେ ଭାରତ ର ନିବାସି ମାନକର ବିବିଧତା କେ ସୁଚିତ କରସି, ଇ ଭାସା ମାନେ ଜେହେତୁ ଐତିହାସିକ, ସାମାଜିକ, ସାଂସ୍କୃତିକ, ପ୍ରାଦେସିକ ହିସାବେ ଭାସା ସମୁଦାୟ ମାନକର ଅଛତା ଭାଗ,

ବିଚାର କେ ନେଲେ, ଭାରତ ର ଭାସା ମାନେ ପାରଂପାରିକ ଗ୍ୟାନ ର ମନ୍ଦିର ଜେନଟା କି ସହ ସହ ବଛର ଧରି ନିଜର ପରିବେସ ଆର ବେଭାର ନୁ ବିକସିତ ହେଇଛେ, ସେଟାକେ ହଜାବାର ଅର୍ଥ ଆମର ଧରୋହାର, ଗ୍ୟାନ ଆର ପାରଂପାରିକ ପାରଂଗମତା,

### ଇତାର ଦ୍ଵାରା ଘୋସଣା କରୁଛୁ କେ

ଭାରତ ର ସବୁ ଭାସା ମାନକୁ ସମାନ ଧରାଜଉ ଆର ସବୁ ଭାସା ସମୁଦାୟ ର ଅଧିକାର ରହେବା, ସବୁ ମିତରି ଗଣତାଂତ୍ରିକ ପରିବେସ ରେ ତାକର ଭାସା କେ ସଂରକ୍ଷା, ବିକାସ, ଆର ବରକସ କରବାର ।

ଭାରତ ର ହରଏକ ନାଗରିକ ର ମୌଲିକ ଆର ଅଛିତା ଅଧିକାର ଅଛେ ତାର ମାତୃଭାସା ରେ ସରକାର ର ସାସନ, ବିଧି ବ୍ୟବସ୍ଥା, ଆର ବିଧାଇ ବ୍ୟବସ୍ଥା ସାଂଗେ କାରବାର କରବାର ଅଧିକାର ଅଛେ ଆର ସରକାର ବି ସାଧାରଣ ନାଗରିକ ର ମାତୃଭାସା ରେ ତାର ସବୁ କାରବାର କରବାର କଥା । ଭାରତର ସବୁ ନାଗରିକ ତାର ମାତୃଭାସା ରେ ସିଖ୍ୟା ପାଏବାର ଅଧିକାର ଅଛେ । ଭାରତ ର ସବୁ ନାଗରିକ ବ୍ୟବସାଇକ ଆର ସାର୍ବଜନିନ ସେବା ନିଜର ମାତୃଭାସା ରେ ପାଏବାର କଥା ।

ଆମେ ସବେ ଗୁଚେ ନୁଆଁ ଭାସା କମିସନର ଗଠନ କରବାର ପ୍ରସ୍ତାବ ଦଉଛୁ ଭାରତିୟ ସମିଧାନ ର ଭାଗ ୧୭ ଆର ଊଝ୍ୟା ପ୍ରାବଧାନ କେ ସମିଖ୍ୟା ଆର ସଂସୋଧନ କରି, ସବୁ ଭାସା ସମୁଦାୟ ର ଦାବି ଆର ପ୍ରସ୍ତାବ କେ ନେଇ ଭାରତ ର ନୁଆଁ ଭାସା ନିତି ବନାବାର ଲାଗି ।

ଆମେ ଦାବି କରୁଛୁ କେ ତଲର ଦାବି ମାନେ ଭାରତ ସରକାର ଗ୍ରହଣ କରି ପଦକ୍ଷେପ ନଉନ

- ୧) ଭାରତ ର ସମିଧାନ ର ଅସୁମ ସୁଚି ରେ ତାଲିକା ଭୁକ୍ତ ଥିବା ସବୁ ଭାରତିୟ ଭାସା କେ ଭାରତ ସରକାର ସରକରି ଭାସା ଘୋସଣା କରୁନ
- ୨) ଭାରତ ର ସମିଧାନ ର ଅସୁମ ସୁଚି ରେ ଭାସା ମାନକୁ ସାମିଲ କରାଇ ଜେନଟା କି ଭାରତ ସରକାର ଠାନେ ବିଚାରଧିନ ଅଛେ ଆର ତାକର ଭାସା ସମୁଦାୟ ସାମିଲ କରବାର ଲାଗି ଦାବି କରୁଛନ୍ତି
- ୩) ଜାତିୟ, ଆଦିବାସି, ଆର ଅଲଗା କମ ସଂଖ୍ୟା ର ଭାସା ମାନକୁ ଜରୁରି ସହଜୋଗ ବିସେସ ସଂସ୍ଥା ଦ୍ଵାରା କରାଇ ଆର ସେମାନକୁ ମରବାର ନୁ ଆର ବିଲବାର ନୁ ବଢ଼ା ଜଉ ।

ଆମେ ଦାବି କରୁଛୁ କେ ସବୁ ସରକାର ସୁନିସ୍ଵଚିତ କରବାର କଥା କେ ମାତୃଭାସା ରେ ସିଖ୍ୟା ପାଏବାର ଅଧିକାର କେନସି ବି ସ୍ଥର ରେ ଉଲଂଘନ ନି ହେବାର କଥା ।

ଆମେ ଦାବି କରୁଛୁ କେ ରାଜ୍ୟ ସରକାର ରାଜ୍ୟ ରେ ଥିବା ଭାସା ନିତି ଆର ଆଇନ କେ ପୁରାପୁରି ଭାବେ ଲାଗୁ କରୁନ । ଜେନ ରାଜ୍ୟ ନ ନାହିଁ ନ ସେମାନେ ବନଉନ ।

ଉପର ର ଦାବି ମାନେ ଘୋଷଣା କରି, ଆମେ ସବୁ ରାଜନୈତିକ ଦଳ ମାନକର ସହଜୋଗ ଆସା କରୁଛୁ, ସଂସ୍ଥା, ନାଗରିକ ସମାଜ, ମାନବ ଅଧିକାର ସଂସ୍ଥା, ସାଂସ୍କୃତିକ ଆର ସିଖ୍ୟା ସଂସ୍ଥା, ଆର ଗଣ ମାଧ୍ୟମ ଭାସା ଅଧିକାର ଆର ସମାନତା ବିଲ ଲୋକସଭା ରେ ଆଗତ କରି ଉପର ର ଲକ୍ଷ୍ୟ ହାସଲ କରବାର ଲାଗି ପାସ କରୁନ । ଆମେ ରାଜ୍ୟ ସରକାର ଆର ସ୍ଥାନିୟ ସରକାର କେ ପ୍ରାର୍ଥନା କରୁଛୁ ଆନଜଗତ ସକ୍ରିସାଲି ପ୍ରସ୍ତାବ ବନେଇ ଉପର ର ତିନ ଟା ଅଧିକାର ଦାବି କରବାର କେ ଆର ବିସେସ କରି ଭାସା ମାନକର ଭିନେ ଭିନେ ଅଧିକାର, ନିତି, ଜୋଜନା ମାନକୁ ସମାଧାନ କରବାର ଲାଗି ଗୁଚେ ନୁଆଁ ଭାସା କମିସନର ଗଠନ ଲାଗି ।

ପ୍ରାରୁପ ବନେଇଛନ -

ଆନନ୍ଦ ଜି (କର୍ଷାଚକ) କନ୍ନଡା  
ଦିପକ ପାଠ୍ଡାର (ମହାରାସ୍ତ୍ର) ମରାଠି  
ଗନେସ ଚେତନ (କର୍ଷାଚକ) କନ୍ନଡା  
ଗର୍ଗି ଚର୍ଚ୍ଚି (ପସଚିମ ବଂଗ) ବଂଗାଲି  
ଜୋଗ ସିଂ ବିର୍କ (ପଂଜାବ) ପଂଜାବି  
କୋମଳୁମବେଦୁ ହିମାକିରନ ଅନୁଗୁଲା ( ତାମିଲ ନାଡୁ) ତାମିଲ, ତେଲଗୁ  
ମଣି ଏମ ମଣିଭନନ ( ତାମିଲ ନାଡୁ) ତାମିଲ  
ପି ପବିତରନ (କେରଳମ) ମଲୟାଲମ  
ପ୍ରିୟାକ କେଏସ (କର୍ଷାଚକ) କନ୍ନଡା  
ରବିସଂକର ଆୟାକାନୁ ( ତାମିଲ ନାଡୁ) ତାମିଲ  
ସାକେତ ସ୍ତ୍ରୀଭୁସଣ ସାହୁ (ଓଡିସା) କୋସଲି  
ଏସ ସେନ୍ଦ୍ରିଲନାଥନ (ଆଝି ସେନ୍ଦ୍ରିଲନାଥନ)( ତାମିଲ ନାଡୁ) ତାମିଲ  
ଅମିତେନେରିୟନ ( ତାମିଲ ନାଡୁ) ତାମିଲ  
ବସନ୍ତ ସେଜି (କର୍ଷାଚକ) କନ୍ନଡା  
ବିବେକ ବି (କର୍ଷାଚକ) କନ୍ନଡା  
ଉମାକାନ୍ତନ ପି (କର୍ଷାଚକ) କନ୍ନଡା, ତାମିଲ